



KENYATAAN MEDIA

31 Ogos 2016

**UniMAP RAIH KEJAYAAN KAWAD HARI KEBANGSAAN DUA TAHUN
BERTURUT-TURUT**

Kangar, 31 Ogos – Kontinjen Universiti Malaysia Perlis (UniMAP) menjuarai kawad perbarisan sempena sambutan Hari Kebangsaan 2016 ke-56 peringkat negeri kategori Jabatan Kerajaan, Badan Berkanun dan Swasta, di Dataran Merdeka, di sini hari ini.

Kontinjen UniMAP di bawah pimpinan Pengarah Jabatan Keselamatan UniMAP Prof Madya Nor Azmi Johari itu menjuarai kategori itu buat kali ketiga dengan kejayaan pertama pada 2013.

Menurut Nor Azmi, kejayaan pada tahun ini adalah dua tahun berturut-turut sejak tahun lalu sekaligus membuktikan disiplin dan semangat yang tinggi 37 ahli kontinjen UniMAP.

Katanya, kontinjen UniMAP menjalani latihan sejak dua minggu lalu walaupun dalam keadaan cuaca yang tidak menentu melanda Perlis sejak beberapa hari kebelakangan ini.

“Selain itu, UniMAP juga sibuk dengan persiapan kemasukan pelajar baharu serta program-program universiti yang lain, namun tidak mematahkan semangat kontinjen untuk terus mengekalkan kejayaan pada hari ini,” kata beliau ketika dihubungi.

Sambutan Hari Kebangsaan ke 59 peringkat negeri itu turut disertai lebih daripada 70 kontinjen dari Jabatan Kerajaan dan Badan Berkanun serta Swasta.

Berkenan berangkat hadir ke sambutan berkenaan ialah Raja Perlis Tuanku Syed Sirajuddin Putra Jamalullail dan Raja Permaisuri Perlis Tuanku Tengku Fauziah Tengku Abdul Rashid.

Turut berkenan berangkat hadir ialah Raja Muda Perlis Tuanku Syed Faizuddin Putra Jamalullail dan Raja Puan Muda Perlis Tuanku Lailatul Shahreen Akashah Khalil yang juga Canselor dan Pro Canselor UniMAP.

Hadir sama Menteri Besar Perlis Datuk Seri Azlan Man, barisan Exco Negeri dan Naib Canselor UniMAP, Dato' Prof Dr Zul Azhar Zahid Jamal.

Sementara itu, Zul Azhar melahirkan rasa bangga dengan pencapaian UniMAP dan berharap warga UniMAP terus memberi komitmen yang tinggi di sebarang pernyataan seperti itu samada di peringkat negeri, kebangsaan mahupun antarabangsa.

Kontinjen UniMAP membawa pulang hadiah wang tunai RM1,500 di atas kejuaraan itu.

Caption gambar : Zul Azhar (tengah) dan Nor Azmi (tiga dari kanan) bergambar bersama kontinjen UniMAP.

Kontinjen UniMAP memberi tabik hormat ketika perbarisan Sambutan Hari Kebangsaan 2016 peringkat negeri di Kangar.

Aininulniza Mohd Yusof (aininulniza@unimap.edu.my)

Pegawai Perhubungan Media UniMAP

Tel : 04-9798522